

明功益三分首委身於帝胄忠宣二表早發跡於隆中睠此邦  
人永懷風節念草廬之久做復祠宇之更新茲值仲春秋恪修祀  
事仰祈靈貺昭格無窮

祭諸葛武侯文

王十朋

丞相忠武蜀之伊呂高臥南陽悲吟梁甫草廬之中三顧先主  
將漢是興非劉曷與君臣魚水蛟龍雲雨才十曹丕志小寰宇  
假令無死師一再舉吳魏可吞禮樂可許甯使英雄墮淚今古  
將略非長庸史之語某受命天子來帥茲土夢觀八陣果至夔  
州廟貌僅存風流可覩旁有關張一龍二虎安得斯人以消外  
侮

道藏輯要

忠武侯集  
祭文

六

星集六

